

R Est-B - 11871

D. T. O. M. A.
IN SIGNEM
NOBILI FORTITUDINIS
LAUREA HEROËM,
DELINEATUM ATQUE PRODUCTUM,

Placide
BONORUM EXERCITATIONI.
subjicit

P R Ä S I D E
M. JOHANN GEORGIO LUTZENBERG, Re
NOBILISSIMUS JUVENIS
PETRUS GOTTHARD von KOCHEN,

In
MAJORI AUDITORIO SCHOLÆ GERMANICÆ,

quæ
N A R V Æ
est,
Anno M. D C C. III. ad d. XX. Octobris.
NARVÆ, Literis JOH: KÖHLERI, REG. TYPOGR.

Magna
fidei
virtus.

Nobilissimo atq' generoso Domino
Domino

Christophero von Kochen

Celeberrimi Cryptorij atq' Urbis Regiae Nar-
va Puggratio longe gravissimo Do-
mino Genitori suo æternum obser-
vando atq' colendo.

Divinum est oraculum generosissime Domini
Parentis: Nulli coram me vacui comparente
ita in humanis coram Parentibz filios vacuo
comparere ipsa retat debita gratitudo in me
memoria. En ergo Generosissime Domine genit
primicias meis mee Philosophice. Benigni
Atq' leviter se hocc donum accipe, meq' inti-
tus paternè Deinceps, ut ubertim argoles
sove, atq' fave! Generosissimi Domini Parentis
Varro die 22 Octobr. obedientissimus filius
A.D. 1703. — Pet. Gottschalk

§. I.



I conglobata benè institutorum exer-
citum exempla in medium produce-
remus, innullo, neq' magis virtutum
omnium complemento, ut appellatur
virtus heroica, plus excultum, neq'
clariori Fortitudinis jubare coruscantem
magis INVICTISSIMO atq' POTEN-
TISSIMO REGE NOSTRO CAROLO XII.

inveniremus Heroëm: qui non obvanam jactantiæ gloriam:
non propter inanem animi levitatem; sed propter DEI, Chri-
stianæq' Religionis gloriam, atq' tutelam: propter causas
alias justissimas, exercitum sibi paravit non minus armis,
qvām Fortitudine instructum optimeq' institutum: in qvo
non deerat laborum tolerantia fortis: fortis erga superos o-
bedientia: fortisq' atq' ardens honestæ gloriæ cupiditas:
Indè minimè dubitamus: tot egregios indigitare Heroës,
q' in eo invicto exercitu, dum pugna ad NARVAM nostram
commissa, cùm Urbs ab obsidione liberata, Saxonicæq' copiæ
ad RIGAM profligatae, ac penitus fermè in POLONIA
delectæ sunt, Ordinum Duces fuere: inter q'os INVICTIS-
SIMUS VICTOR, HEROS INCOMPARANDUS ut
fulgentissimus sol inter minora stellarum sidera eluxit claris-
simè.

§. II.

Vocabulum Herois dupli sumitur modō: Theologicō
& Philosophicō. Theologicè in quantum prædicatur de iis,
qui singulari eminentiæ, & fulgenti virtutum theologicarum
splendore, communem hominis conditionem superant atq'
transcendent. In q'orum numero haud immerito numeran-
tur ii, qui vel in vera supremi Numinis dilectione, spe, fide,
patien-

: 2

patientiâ , charitate &c: firmiter perseverant, nullôq; modô se dimoveri vel commoveri patiuntur : vel qvi in spirituali palæstra cum Satana cæterisq; hostibus animam potentibus dimicant, & hostes suos fortiter vincunt: in qvorum numero **SUMMUS HEROUM HEROS**, gloriosissimus, Diaboli, Mortis , Inferni atq; peccati Victor , palmam fert , sub cuius vexillo heroicè stetit S: ille cœli suspex Stephanus, cum fratribus Machabeis , reliqui Sancti Martyres omnes , qvi pro cælestis Doctrinæ veritate , divinæ voluntatis obseruatione , ad sanguinem & vitam usq; dimicarunt : his jure meritô annumerantur Davides ob suam patientiam: B. Lutherus ob suam tolerantiam. Philosophicè seu politicè sumitur HEROS , qvatenus suprà humanam , conditionem , industriam , & vires in actionibus politicis sese exerit. Qvâ virtute præcipue **SERENISSIMUS REX NOSTRA** ita est prædictus ut singulis & universis palmam præripuisse videatur.

§. III.

Virtus Heroica quâ varii Heroës variè exornantur: non ineptè definiri poterit: qvod sit *virtus divinitus qibusdam hominibus concessa*, ad expediendum ea , qvæ viribus humanis expediri nequeunt. Deficiente voce, qvâ hæc designaretur virtus , resarcitur defectus iste , per additionem cujusdam differentiæ ad genus , atq; dicitur virtus heroica , ut sic indè unicus nascatur conceptus. Virtus appellatur hæc virtus , non habitâ ratione proprietatis vocabuli, aut rigoris termini: sic etenim nec habitus propriè est. Virtus hæc pro diversis subjectis se habet diversimodè, in quibusdam est longè excellentior atq; luculentior , usq; quoq; apparet frequentior : ità ut qvæsi radices videatur egisse in animis nonnullorum Heroum , inque eis naturam virtutis & habitus induisse. Unus porrò actus, vires humanas superans , ad hanc virtutem sufficit , isq; Heros meretur appellari , qvi nullô habitu hujus virtutis est prædictus.

§. IV.

§. IV.

Per virtutem heroicam non tam intelligitur occultus qvidam raptus & impetus , qvam naturalis indoles, cui DEus peculiari benedictione singularem & peculiarem honestatis ardorem indidit , undè post modum eximii admirabilesq; ad maxima non solum tentanda ; sed & perficienda impetus exsurgunt. Hinc facinora Heroica longè majora deprehenduntur , qvam ut ab homine qvovis naturalibus tantummodo viribus confici valeant. Nec cuiquam mortalium fas esse videtur , heroicæ facta imitandi , nisi vi & peculiari ardore divinitus instructus sit. Qvo circâ non sufficit magna moliri, hoc etenim temerarius & audax facere æqvè potest; sed oportet ut eventus respondeat connatui. In heroibus etenim tantum , non autem in temerariè audacibus reperire, est afflatum illum divinum , qvō heroicæ naturæ incitatæ , altissima sibi proponunt, & admiranda felicitate ad finem usq; perducunt: Nec tamen per afflatum & divinum impetum, aliquem fanaticum intelligimus.

§. V.

Heroicæ virtutis reqvisita sunt fermè hæc: ut Heroibus magnis insit impetus animi , viriumq; extraordinarius, constantia singularis , & felicitas admiranda. Hæc omnia in invictissimo Herois POTENTISSIMI REGIS NOSTRI Pectore luce clarissimè emicuere , tunc maximoperè , cùm divino impetu afflatus NARVAM ab obsidione , qvâ decem continuas septimanas gravissimè est vexata , vindicare decrevit , antequam cùm qvinq; omnino ex itinere lubricosissimo fatigatorum militum millibus , octoginta vallo atq; aggere validò tectorum armatorum Russorum millia est aggressus: ob equitans tunc corporis sui custodiæ milites , singulos ad pugnam concitandò, summam eisdem animi alacritatem injecit, dum, *babo jamjam, inquit, hostes à DEO in manus meas traditos!* animavit Regem confidentia singularis cordiq; ejus inscripsit : *veni, vidi,*

vidi, vici! Hunc impetum divinum extraordinarium incomparanda Regis eademque Herois constantia, atque inaudita felicitas est secuta. Qvandoquidem generaliter DEUS concurrit ad cæteras actiones virtuosas; in has tamen ratione speciali influit, motus viresque infundendô, quiibus Ecclesiæ restaurationi, vel Reipublicæ conservationi augmento & saluti esse possint.

§. VI.

Sunt inter res, quae humano generi, necessariæ, haud immerito censendæ communium cœtum communes virtutes, Justitia, Fortitudo, Temperantia, Liberalitas, Mansuetudo &c.: Quiibus omnibus respondet virtus Heroica: estque illa Sacrosanctæ C H R I S T I Sponsæ Ecclesiæ non minus, quam civilibus Rebuspublicis atque Societatibus majoribus necessariæ. Nunquam enim fulgentissima orthodoxæ fidei facula supra aureum Evangelii Candelabrum animis nostris affulsiisset, ni heroicō animō magnus Heros D. Lutherus cruento Papæ furori obstitisset: superstitionis erroribus masculè occurrisset: damnosas deceptionum tenebras dispulisset. Ingemiseret universus Germaniæ orbis sub gravissimo Idolatriæ jugo: ni incomparandus Heros GUSTAVUS ADOLPHUS non minus Heroicō, quam Regiō ausū, atque maximō omnium populorum applausū, verum Religionis cultum conservasset atque stabiliisset. Urbs sanè nostra multa idolorum simulachra adoraret, mortuis incensa, ut olim, immolaret; ni omnium, quos mundus vidit, heroum maximus, REX NOSTER INVICTISSIMUS, heroicè hostium insultus fregisset, NARVAM liberasset, imminentem superstitionem amovisset.

§. VII.

Si virtus Heroica consideratur respectū vitiorum oppositorum, in mediocritate eandem sitam esse deprehendemus. Qvandoquidem oppositam sibi habet & in excessu Feritatem seu Bestialitatem, quae vitium extraordinarium denominari meritò

meritò meretur, quod homo rectæ rationis judiciō excusso, omnique humanitate projectâ atque conculcatâ, ferarum bestiarum more bachatur sœviendô, eaque amplectitur plurima atque perpetrat crudeliter, à quibus alioquin animus humanus abhorret: Cujus species tot sunt, quot virtutis numerantur. Differt tamen à reliquis vitiis, in hoc præcipue, quod cæteris vitiosis hominibus aliquod adhuc mentis & rationis lumen remaneat, in illis verò prorsus extinctum inveniatur. Talis feritas fuit Tyranni Mezentii, viva hominum corpora cadaveribus alligantis, ut in eorum complexu atque foetore miserè expirarent. Virg: l. 8. Aeneid. Possimus digitis monstrare tyrannos in vicinia nostra, qui non minoris crudeliorisque bestialitatis fuere, tyranno Mezențiō: imò qui Phalaritem ipsum, & æneo & ardenti tauro innoxios homines cruciantem, longè superant, atque antecellunt. Nec lato ungue cedunt Hattoni Moguntino Episcopo, qui ingentem panem petentium hominum multitudinem horreo inclusam subiecto igne cremari jussit: nec minus absurdam libidinosæ bestialitatis post se relinqunt memoriam, quam ille Heliogabalus: quorum sepulchris haud aliud, quam bestiæ, Epitaphium isthac inscribatur: Ede, bibe, lude, post mortem nulla voluptas.

§. VIII.

Alterum virtuti Heroicæ extreum oppositum nonnulli Ethicorum denegant, unico tantum nimirum feritate & bestialitate contenti. Nos tamen eidem oppositam quoique esse summam ignaviam affirmamus: vitium extraordinarium, quod homo ab honestate virtutis maxime heroicæ planè abhorret, atque enormiter in defectu peccat. Sic ignavissimi Sibaritæ fuerunt, qui legem suis tulerunt civibus: Nemo nostrum frugi esto. Ecquis inficias ire audeat: Virtutem heroicam habere opposita sibi vicia? Cùm non rarò videamus, quodam ab hominibus admitti committique, vicia à quibus alias animus abhorret naturali horrore.

PARERGA.

DEUS est causa efficiens virtutis heroicæ.

I I.

Virtus heroicæ in fœminas qvoque cadit; verūm Virorum virtus heroicæ tantum præcellit, quantum fœmineus fexus infra masculinum subsistit.

I II.

Virtus heroicæ non competit pueris, ob judicii immaturitatem & virium imbecillitatem.

I III.

Heroica ingenia quando impingunt, graviter impingunt: quippe non leviter cadit, qui ex alto præceps fertur.

I V.

Feritatis tres præcipuae formæ recenseri solent, profanitas, immanitas, & tyrannis.

I VI.

Non omnis Magnificentia & Magnanimitas est virtus heroicæ appellanda.

I VII.

Tritum proverbium, Heroum filios noxas esse: non est perpetuo veriverbum.

I VIII.

Bestialis feritas deterior est brutali stupore & ignaviâ.

OMNIA AD MAJOREM
DEI GLORIAM!

